

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa, po ovlaštenju premijera Kantona Sarajevo, ministar Dr. sc. Omer Osmanović, (u daljem tekstu: Ugovorni organ) i

“Bosman“ d.o.o. Sarajevo, ulica Rakovička cesta 18, ID broj 44200329520009, koje zastupa direktor Jahić Osman, (daljem tekstu: Dobavljač)

zaključili su:

UGOVOR

za nabavku usluga prijevoza motornih vozila posebnim vozilom “pauk”

Član 1.

Predmet ugovora je nabavka usluga prijevoza motornih vozila posebnim vozilom “pauk” za potrebe Ministarstva unutrašnjih poslova Kantona Sarajevo.

Nabavka je izvršena na osnovu Odluke broj 01-11-4-546 od 01.02.2022. godine i u skladu sa članom 7. Pravilnika o postupku dodjele ugovora o uslugama iz Anexa II dio B, Zakona o javnim nabavkama.

Ponuda Dobavljača, broj 356-1/P/22 od 06.09.2022. godine čini sastavni dio ugovora.

Član 2.

Ukupna vrijednost ovog Ugovora, bez PDV-a iznosi 5.850,00 KM (pethiljadaosamstotinapedeset i 00/100 KM).

Dobavljač se obavezuje da se ponuđena cijena, koja je data u ponudi u prilogu ugovora, neće mijenjati do isteka ovoga ugovora.

Član 3.

Rok izvršenja usluga je tri dana od dana uvođenja u posao uz optimalne vremenske ulsove.

Član 4.

Dobavljač se obavezuje da ugovorenu uslugu izvrši u svemu prema propisima, standardima i normama koje važe za vrstu usluga koje su predmet nabavke.

Član 5.

Ugovorni organ će ugovorenu cijenu plaćati u roku od 30 dana od izvršenja usluge i dostavljanja fakture.

Član 6.

Dobavljač se obavezuje da će pružati usluge u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka.

Ugovorni organ će utvrditi razuman rok za ispravak propusta Dobavljača.

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj ugovor stupa na snagu danom potpisivanja ovlaštenih predstavnika i traje do realizacije ugovorene usluge.

Član 10.

Ovaj ugovor izrađen je u četiri istovjetna primjerka, od kojih po dva zadržava svaka strana.

DOBAVLJAČ
"BOSMAN" d.o.o. Sarajevo

direktor
Jahić Osman

Broj : 202/14/22
Datum: 16.09.2022



UGOVORNI ORGAN
MUP KANTONA SARAJEVO

PO OVLAŠTENJU PREMIJERA
ministar, Dr. sc. Omer Osmanović

Broj: 01-14-4-546-2
Datum: 06.09.2022. godine